





John Carter Brown.







✓

part on Tuesday

17th Feb

18th Feb

19th Feb

20th Feb

21st Feb

22nd Feb

23rd Feb

24th Feb

25th Feb

26th Feb

27th Feb

28th Feb

29th Feb

1st March

2nd March

3rd March

340

Roberti Comtæ Nortmanni

DE ORIGINE
GENTIUM
AMERICANARUM
DISSERTATIO.



AMSTELÆDAMI,

Typis NICOLAI RAVESTEINII.
cld lcc XLIV.

THE
BIBLIOTHECA
MUSEI
HISTORICO-NATURALIS
MUSEI



1800
1801
1802
1803
1804

DE ORIGINE GENTIUM
AMERICANARUM
DISSERTATIO,

Authore

Roberto Comtao Nortmanno.



Orbis pars illa, quæ quibusdam quarta dicitur, & ab Americo Vespucio Americæ nomen nata, occidentalis Indiæ titulum etiam reperit, longo sæculorum tractu incognita, saltem invisa fuit, ob immanem aquarum intercapedinem, quibus ab orbe toto divisa videtur: quo factum est, ut prioribus advenis quasi novus orbis apparuerit; nec abs re certe, cum Postellus (in hoc ipso probatus a Linschoto nauclero Regionum illarum callentissimo) a polo ad polum eam extendi scribat, exceptis partibus australioribus freti Magellanici, ubi definit circa gradum altitudinis 52 ex parte meridionali lineæ æquinoctialis.

A 2

Illuc

JOHN CARTER BROWN

4 DE ORIGINE GENTIUM

Illuc mente proficiscimur ; examen habituri circa gentium illarum originem. Status quæstionis est, quis populus ad occupandas illas terrarum plagas confluxerit ? unde egressus ? quâ ingressus ? quibus auspiciis ? quo tempore ? indagandæ hac super re veritati noviter allaborarunt Viri Clarissimi, & perspicacissimi, quorum opiniones & argumenta perpendere constitutum mihi ; at non carpere. Ingenuus enim oculus laudis hic argumenta sparsim viderit, contumeliæ nusquam. Paulo deteriora iis scripsisse vellem, & mihi decori verti. Neque enim pusillum est, si quid maximo est minus. Itaque veritati studeo, & si quid ea dignum posuerim, lætabor.

Hæc præfatus, priusquam aperiā, quid mihi arrideat hac in re, occurrendum iis judicavi, qui quod Mexicani, eorumque vicini, Hispanis eo primum venientibus dixerint, se non esse indigenas ; hinc colligunt, omnino ex aliis mundi partibus populos in hanc terram bis aduentasse ; ita ut Hispani tertii fuerint

fuerint alienigenæ, qui regionem occupaverint. Verum secundam coloniam illam non ab extraneis ductam esse, sed ipsismet Americanis in vicinos excurrentibus, quos in continente sedem ulterius quærere post bella & ancipites assaultus, coëgerunt, testantur plurimi: quorum unus sufficerit mihi Joannes Hugo Linschotus in descriptione novæ Hispaniæ Cap. 5. ubi ait. *Secunda pars America vocatur nova Hispania, initium sortita a Septemtrione circa flumen Panuco ad limites Floridæ, & meridiem versus extenditur ad provinciam usque Darienam, quæ ab ipsa Perruviû dividit, habens ad Orientem mare magnum, ad Occidentem autem mare Pacificum sive Australe. Tota hæc Regio ab incolis vocabatur antiquitus Chichimecan, Culhuacan seu Cajacan. Illi enim e Culhua exierant supra Xaliscum, & sedem fixerant circa Tenuchtitan, ubi hodie urbs extat Mexicana. Vbi autem regionis inquilini facti sunt, ædificare cœperunt, novosque simul & veteres pagos & urbes sub domino & generali nomine Culhuacan concedere voluerunt.*

6 DE ORIGINE GENTIUM

Hinc colligitur Culhuacas, Cajacas, seu Chichimecan non extrorsum emerfisse : sed ex Culhua ejusdem Americæ provincia supra Xaliscum sita. Nec est, quod nomen expulforum in quæstionem vocetur, quod quidem deletum esse abunde conjici potest, cum dicitur veterum novarumque mansionum nomen unum scilicet Culhuacan.

Arbitror autem Chichimecas cum cæteris Americæ populis, a Phœnicibus, seu Sidoniis, seu Tyriis, aut Carthaginensibus (gens enim una fuit) procreatos esse; omnesque Occidentalis Indiæ regiones a Phœnicibus primum inventas, habitatas, nec non ab eorum posteris possessas, usque ad Hispanorum adventum; quod quidem ex monumentis veterum, authoritatibus, & conjecturis (quod hac in re cupit Vir Excellentiss. Hugo Grotius) eruere non difficile credo veterum scripta apprime sapienti.

De situ Phœniciæ, Phœnicumque, Plinius Lib. 5. cap. 12. & 20. Scribit Phœnicen totam Syriam complecti, *qui sub-*

subtilius (inquit) dividunt, circumfundunt Syria Phœnicen volunt. Strabo vero lib. 16. Geographiæ: Tota regio ultra Seleucidem in Ægyptum & Arabiam recedens, Cœlosyria appellatur; sed proprie quæ Libano terminatur, & Antilibano. Reliquæ Regionis ora ab Orthosia usque Pelusium Phœnicia vocatur, per angustus sane ac maritimus quidam tractus. Qui sibi videntur contradicere, facile conciliabuntur summi iudicii viri Strabo & Plinius: si Plinius de Phœnicia in genere, Strabo autem de Phœnicia proprie dicta intelligatur. Quemadmodum & Francia dicitur Galliæ regnum universum: appropriato autem nomine sola regio Parisiis circumfusa. Quod & manifeste denotat Strabo in sequentibus dicens. Iter in Phœniciam deflectamus, de cujus una parte locuti sumus, quæ ab Orthosia Barutum usque per- tendit &c. post Berytum est Sidon quadringentis fere stadiis ab ea distans; in quo spatium est Tamyras flumen, & Æsculapii Lucus, & Leonum urbs. Post Sidonem maxima & antiquissima Phœnicum est Tyrus &c. Straboni

§ DE ORIGINE GENTIUM

concordant Mela lib. i. c. 12. & Herodotus lib. i. 2. & potissimum 7. ubi ait. *Phœnices, ut ipsi memorant, quondā mare rubrum accolebant, illinc transgressi maritima Syriæ habitant.* Dionysius autem Alexandrinus:

*Pars media nā sede colit, Syriiq; vocantur.
Pars maris ad fluctus Phœnicum nomine dicti,*

Gentis Erythrææ soboles a semine dicta &c.
Accinit Festus Avienus :

—— *Salso quidquid pulsatur ab æstu,
Phœnicum regio est. Hi rubro a gurgite
quondam*

Mutavere domus &c.

Cæteros prætermitto. Restat ut a Strabone doceamur, quinam populi sub nomine Phœnicum continerentur antiquitus. Primos enumerat Sidonios, deinde Tyrios, Ptolemaida, Gadarenos, Azotios, Ascalonitas, Gazæos, Raphios, Rhinocoluros, Joppen, Jamnios, Alaniticos, Sarbonis lacus incolas, montis Casii, Geræ, & Chabriæ. *Ac Phœnicia quidem est hujusmodi,* concludit ipse: hos autem in universum eximios & audaces fuisse navigatores,

tores, fidem faciunt authores innumeri, etiam ex his quos citavimus. Quos inter Dionysius Alexandrinus, ubi supra:

—— a semine ducto,

*Hi primi rudibus tentarunt navibus æquor,
Mercatumq; vagas primi instituere per undas
Concitaque æterno viderunt sydera cursu.*

*Quique Iopem, Gazamque colunt, & Elaidis
arces,*

Antiquamque Tyron &c.

Avienus vero:

—— *Hi primo a gurgite quondam*

Mutavere domus, primi q; per æquora vecti

Lustravere salum, primi docuere carinis

Ferre cavis orbis commercia, sydera primi

Servavere poli &c.

Strabo lib. 16. ubi de Tyro ab Alexandro capta egit, subdit. *Has tamen calamitates omnes evicit, & seipsam navigando instauravit. Nam in ea re Phœnices semper omnibus præstiterè &c. Navalis potentie, & apparatus signum est multitudo & magnitudo coloniarum. Et postea: Sidonii optimi circa Astronomiam & Arithmeticam Philosophi, qui a computatione, & nocturna na-*

10 DE ORIGINE GENTIUM

vigatione initium habuere. Sed quam eximia, & apposita hic est oratio Alexandri ad commilitones habita apud Arrianum Lib.2. Quod si Tyrum ceperimus (ajebat suis Imperator insignis) universa Phœnicia in potestate nostra erit, navalisque Phœnicum potentia, quâ maximâ & validissimâ Persæ utuntur (id quod verisimile est) ad nos tota transferetur; neque enim Phœnices populares suos, sive navales socios sive remiges, urbibus suis in potestatem nostram redactis, pro Persis pugnare patientur. Audiamus Herodotum lib.1. de expeditione in Carthaginienses, quam Cambyfes meditabatur. Interea navales copias Carthaginem versus navigare jubet, verum executores se Phœnices negaverunt: esse enim magno se cum illis jurejurando devinctos, præterea non facturos sancte si adversus liberos suos militarent. Cæteri Phœnicibus ire recusantibus ad pugnandum haud idonei erant: ita Carthaginienses quominus in servitutem Persarum redigerentur evaserunt, quoniam Cambyfes haud æquum ducebat vim inferre Phœnicibus, qui se ipsos Persis dederant,

derant, ex quibus nauticas omnis constabat exercitus. Qui plura voluerit, adeat Homerum Odyss. 14. & 15. Strabonem lib. 1. & 17. Plinium lib. 3. cap. 12. lib. 5. cap. 12. Melam lib. 1. cap. 6. Herodotum lib. 3. Hesychium &c.

Phoenices autem non solum mercaturam & bella navalia exercuisse constat; sed & maximas longinquasque colonias fecisse. Strabo lib. 16. *Coloniæ in Iberiam, & Lybiam, usque ad loca extra columnas profectæ Tyrum plurimum extollunt.* Et paulo post. *Navalis potentia, & apparatus signum est multitudo, & magnitudo coloniarum.* Plinius lib. 5. cap. 19. *Tyrus quondam Insula &c. Olim partu clara urbibus gentis Lepti, Utica, & illa Romani imperii æmula terrarum orbis avida Carthagine &c.* Salustius in Jugurtha. *Phœnices multitudinis domi minuendæ gratia, pars imperii cupidine, & alii novarum rerum avidi, Hipponem, Adrumetum, Leptim, aliasque urbes in ora maritima condidere, hæque brevi multum auctæ, pars originibus sine præsidio, aliæ decori fuere &c.* Sed audiamus

mus Q. Curtium: ubi Tyri obsidionem, deditionemque descripsit. *Quocunque (inquit) classes ejus adierunt, ditionis suae fecit &c. Coloniae certe ejus pæne orbe toto diffusæ sunt, Carthago in Africa, in Bæotia Thebæ, Gades ad oceanum.* Premamus verba. Gades a Phœnicibus occupatas legimus. Agedum. Quod fortunatas insulas tenuerint, nulli dubium erit, qui Marianam legerit lib. 1. & 2. histor. Hispan. cum authoribus, quorum citationibus utitur, ad quos Lectorem remitto. Deinde Phœnices ad insulas Hesperides penetraverunt. Quod testatur Strabo extremo lib. 3. *Cassiterides, inquit, Insulae decem numero sunt inter se propinquæ ad Aquilonem jacentes &c. Earum una deserta est, reliquas habent homines colore fusco &c. hanc negotiandi viam soli antea Phœnices à Gadibus missi aggrediebantur &c.* Verum per Cassiterides Strabonem intelligere Hesperidas, & Gorgadas, & Cap. viride, hinc liquido patet, quod esse decem numero scribat. Sed & hoc denotat nomen ipsum his Insulis proprium, de quo Dionysius

nysius Alexandrinus Vers. 564.

Νήσος δ' Ε'σπερίδας , πόθι χαοσιτέροις
γενέθλη.

Quod Andreas Papius interpretatur.

— *Et Hesperidum stanni felicitis origo.*

Ulterius autem Phoenices aut Carthaginenses ad Indos occiduos contendisse, colligo ex testimoniis scriptorum veterum, a quibus nemo requirat accuratam & exactam descriptionem regionum illarum; de quibus locuti sunt quidem, sed eas existere non crediderunt. Cæterum ubi mutila illa lineamenta apud eos dispersa rite composuerimus, fortasse Occidentalis Indiæ facies non rejicienda, ut etiamnum hodie depingitur, apparebit. Plinius multifariam de Gadibus proprie dictis disertè locutus scribit lib. 5. cap. 19. Phœnices extra orbem Gades condidisse. Intellego enim Americam nostram tunc temporis proprium nomen nobis cognitum non habentem; in tantum ad occidentalem plagam sitam, ut vel extra orbem posita videretur, ab Occidentalissima, ut ita dicam,

dicam, parte quam noverat Gades appellasse. Sin malueris, eodem sensu, quo nova Francia, Hispania, Batavia in orbe novo describuntur, ob Francorum, Hispanorum, Batavorum illuc deductas deductasque Colonias. Accedunt verba Curtii. *Credo eos (Phœnices) libero commeantes mari, sæpiusque adeundo, ceteris incognitas terras elegisse.* Quænam fuere terræ illæ? Gades? Fortunatæ? Gorgades aut Hesperides Insulæ? Sed hæ Trojanis, Græcisque mercatoribus tum temporis non fuerunt incognitæ, eorum quidem dispendio (nam a Phœnicibus reperti submergebantur) nec authoribus qui tum scribebant, ut Homerus. Restat certe, ut de novo orbe verisimiliter intelligamus. nam verba transferri alió non permittunt probatissimæ per has plagas Phœnicum classes institutæ. Huic interpretationi non alienus est Strabo lib. 17. ubi ait: *Solitos Carthaginienses demergere peregrinos, qui in Sardiniam, vel Herculis columnas, navigarent.* Veriti credo ne libero commeantes mari, sæpiusque

piusque adeundo, eam quam ipsi ad occidentum orbem casu aut arte viam nansciscerentur. *Et propterea, subjicit Strabo, plurima occidentalium non creduntur.* Non credebatur scilicet in occidentilibus extra oceanum & mundum incognitas cæteris terras elegisse; quod etiam de seipso ingenue fassus est. Strabo lib. I. Qui mentione de quibusdam habita, qui fide neutiquam digna proferrent. *Similes illis sunt, inquit, qui Sidonios in mari Persico, aut alibi ad oceanum ferunt, & Menelai Phœnicumque errores extra oceanum ponunt.* Non credit vir bonus, Phœnices extra oceanum errasse, quos centies scripsit in Oceano Atlantico plures insulas invenisse, occupasse, habitasse. Ergo jam tum rumor erat, quod Phœnices extra Oceanum errassent. At de erroribus illorum sic cecinit Fest. Avienus.

*Tartessii que in terminis Oestrumnidum
Negotiandi mos erat Carthaginis
Etiam colonis, vulgus inter Herculis
Habitans columnas hac adibant aquora,
Quæ*

*Quæ Himilco Pænus mensibus vix quatuor,
 Ut ipsemet rem comprobasse retulit,
 Enavigantem posse transmitti asserit.*

Quæro, cuinam navigationi in Occidentem e columnis Herculis debeantur menses quatuor, præcipue cum ventus orientalis fere semper flet a partibus illis? ego nullam aliam interpretor insulam aut continentem, quam novum Indorum orbem, cujus iter hodie tritum uno mense plus minus conficitur; tum vero temporis incognitum, absque magnetis & quadrantis usu, vix quatuor mensibus. Scylax Caryandensis in Periplo quiddam, intricatum licet, super his subodorari visus est; verum sermonem ejus utpote locupletem hic mitto. Dicit inibi, neutiquam esse navigabilia, quæ ultra Cernem Insulam essent: in quo (ut notatum est magni ingenii juveni, Isaaco Vossio) comunionem Geographorum morem imitatus est: quos cum ordo rerum vocasset ad regiones explicandas, quas ipsi non noverant, eas scripserunt æstu aut frigore exustas, alga cœno-

coënoque plenas & similibus, at desertis his in regionibus institores ait esse Phœnices.

Hanc verò regionem juxta Lybiam collocat. Lybiæ autem nomen appellativum apud Geographos sæpenumero legitur, ut arida, exusta, & arenosa plaga significetur. Sed de hac regione similiter Diodorus Siculus lib. 6. cap. 7. *Est, inquit, Lybiam versus ad Oceanum sita plurimum dierum navigatione Insula permagna, agro fertili, tum campis amenis, tum montibus distincta, fluminibus rigatur, quæ sunt navium capacia &c. priscis temporibus quoniam a reliquo orbe divulgata videtur, incognita, hoc postmodum modo reperta est &c. Phœnices per Oceanum mare juxta Lybiam navigantes, plures dies tempestatibus acti cum ad hanc Insulam delati essent, animadversa ejus natura & felicitate notam cæteris fecere.* Hic duo notanda potissimum occurrunt. primùm eâdem penitus ratione à Phœnicibus, & Hispanis, repertam esse Indiam Occidentalem. Utrique enim impegerunt in plagam illam tempestatibus

B bus

bus acti. De Phoenicibus visum est. De Hispanis, præter cæteros, audiendus Mariana de Reb. Hisp. lib. 26, ubi navigationis illius primordia tangit. *Navis quædam, inquit, in Africæ commercio occupata, ventorum violentiâ abreptâ, ad ignotas terras, & littora appulit in reditu. Vectoribus, & nautis, famæ extinctis, Navarchus cum tribus, aut quatuor Sociis, Maderam Insulam, quæ in ditione Lusitanorum erat, tandem tenuit, mortuo, quam spiranti, similior. Agebat fortè in ea Insula Christophorus Columbus, natione Ligur (nam & uxorem in Lusitania duxerat) ingentis animi vir, singulari industriâ; quod erat præcipuum, rei nauticæ imprimis peritus. Excepit is hospitio Navarchum; qui, longinquæ navigationis laboribus fracto corpore, brevi extinctus, commentaria, quæ de tota navigatione confecerat, Columbo reliquit. &c. Idem perhibent Iosephus à Costa lib. 1. cap. 19. & Incalasse de la Vlega in suos commentarios reales lib. 1. cap. 3. Verum Navarchus ille ubique Anonymus est. Aldrete autem in popularibus Hispaniarum*

rum historiis nomen ipsi restituit dicens: *Siendo certo que el primero que dio noticia a Christoval Colon del nuevo mundo fue Alfonso Sanchiez de Huelva marivero natural desta villa de Huelva, que con gran tormenta passo el Oceano &c.* Rem autem facillimo negotio fieri potuisse, aperte convincitur. Nam ex Hispania in Americam navigari potest intra quatuor hebdomadas; ab Insulis Hesperidibus intra duas; cum tamen ad reditum in Hispaniam vix tres menses sufficiant, in Hesperides nec unus cum diebus duodecim: quod quidem procedit à constantia venti Orientalis inter eundum; ut ex nautis referentibus notavit vir inter doctos clarissimi nominis Gerardus Ioannes Vossius de cultu & progressu Idolatriæ lib. 2. cap. 69.

Sed ad rem nos recipientes, videamus, quo sub nomine de Indis occiduis veteres Geographi locuti sint. Simili nempe ratione, ac à Strabone Cassiterides dictæ sunt Insulæ Hesperides, à Plinio Indiæ occidentales Hesperides vo-

20 DE ORIGINE GENTIUM

cantur lib. 6. cap. 31. ubi ait : *ultra has Gorgadas &c. duæ Hesperides Insulae narrantur &c. ut Statius Sebosus à Gorgadum insulis prænavigatione Atlantis, dierum quadraginta ad Hesperidum Insulas cursum prodiderit.* Cùm enim Gorgades, seu Gorgones Insulæ, & Hesperides propriè dictæ, eadem sint; ut testatur Strabo lib. 7. & communiter in tabulis describitur : certe de novo orbe occidentali Plinium locutum arbitror eo sensu, quo superius ipsum nominavit Gades extra mundum positas. Nec ullus me rerum nomina confundere cavillabitur, qui doctissimum Casaubonum legerit in Strabonem lib. 17. frequentissimè dicentem, *nullam certam analogiam esse veteres secutos in efferendis barbaris nominibus provinciarum.* Ratio est, quia cum incerta adhuc exploratio earum esset, communem appellationem nondum invenerant; quod de occidentalibus regionibus tradit Polybius lib. 3.

Sed & Dionysius in Argonauticis, & Diodorus lib. 4. cap. 4, testantur expresse,

se, Hesperas esse vocatas, quæ ad occasum Insulæ vergerent. *Afferunt*, ait iste, *Amazones habitare Insulam, Hesperam, quia ad occasum sita sit, vocitatam*. Atque huc fortasse pertinuit fabula de Hercule (summo Phœnicum Deo, Strabone teste lib. 16.) Hesperidum poma aurea, aut oves, capiente in Atlante monte; quod quidem clarius elucescet, cui legere vacabit Plinium lib. 5. cap. 5, & alibi, Solinum cap. 37, Apollodorum lib. 2, Pausanias lib. 1, Hesiodum in Theogonia, Euripidem in Hippolyt. Coron. & in Herc. Fur. Sophoclem in Trachin. Apollonium in Argonaut. Lucretium in de rer. nat. lib. 5, Virgilium Æneid. lib. 4, Lucanum lib. 9, Senecam in Agamemnone, & in Herc. Fur. Varronem lib. 1. de re rustica cap. 1, Diodorum lib. 5. cap. 2, Hyginum lib. 2. Poet. Astron. Aratum in Phænomenis. Ii enim prætexcentis, qui de fabula mentionem fecerunt, accommodatè loquuntur ad institutum nostrum.

Atlantis enim nomine repertam

Phœnicibus occidentalem Indiam ad-
 umbraverunt. Montem enim esse dixit
 Ovidius 4. Metamorph. aded celsum,
 ut cacumen ejus cerni non possit, ad-
 didit Herodotus lib. 4: diis solis pervium
 esse, scripsit Solinus cap. 3: atque hoc ob
 varias, easque insignes ad terras illas e-
 navigandi difficultates. Atlantem au-
 tem illum cœlum humeris sustentare,
 dixerunt, ut occidentalium regionum
 penitissimam designarent. Sed quàm
 graphicè describit Plinius in illo monte
 Americam lib. 5. cap. 1. *Per quam (Au-
 tololum gentem) iter est ad montem Afri-
 ca vel fabulosissimum Atlantem. E mediis
 hunc arenis in cœlum attolli prodiderunt,
 asperum, squallentem, quàm vergat ad littora
 Oceani, cui cognomen imposuit: eundem o-
 pacum, nemorosumque, & scatebris fontium
 riguum, quàm spectat Africam: fructibus om-
 nium generum ita sponte subnascentibus, ut
 numquam satietas voluptatibus desit. In-
 colarum neminem interdum cerni, silere omnia
 haud alio, quàm solitudinum horrore: subire
 tacitam religionem animos propius acceden-
 tium,*

*rium, præterque horrorem elati super nubila, atque in viciniam Lunaris circuli: itidemque noctu micare crebris ignibus; Ægipanum, Satyrorumque lasciviâ impleri tibarum ac fistulæ cantu, tympanorumq; & cymbalorum sonitu strepere: spatium ad eum immensum, incertumque &c. quæ longo ordine sequuntur, ubi de Cottonæis arboribus, de simplicibus variis, &c. quæ omnia cum relationibus Indorum occidentalium conferentur appositè. Neque hic Plinius de Atlante propriè dicto loquitur; quem aliquæ Geographi omnes agnoverunt: cum hunc (quippe tum temporis occidentales Indiæ non credebantur existere) dubius indicet, & involucro fabularum, immensoque rerum horribilium odio, diffamatum. Hinc est, quod de Juba, aut Suetonio Paulino consule, qui isthæc, quasi prodigia, narrent; statim subjungat; *falsæ rei gravis author accedat.* Et Pomponius Mela lib. 1. cap. 3. *Ultimos, inquit, ad occasum Atlantas audimus; infra, si credere libet, vix jam homines, magisque semiferi Ægipanes,**

24 DE ORIGINE GENTIUM

& Blemmeæ & Gamphasantes & Satyri,
 sine tectis passim ac sedibus, vagi; habent po-
 tius terras, quàm habitant. Atque iterum
 lib. 3. cap. 10. *Ultra hunc sinum mons al-
 tus, ut Græci vocant, Θεῶν ὄχημα, vehicu-
 lum deorum, perpetuis ignibus flagrat: ul-
 tra montem viret collis, longo tractu, longis
 littoribus obductus; unde visuntur patentes
 magis campi, quàm ut prospici possint, Pa-
 num, Satyrorumque: hinc opinio ea fidem
 cæpit, quòd cùm in his nihil culti sit, nulla
 habitantium sedes, nulla vestigia, solitudo
 in diem vasta, & silentium vastius. Nocte
 crebri ignes micant, & veluti castra latè ja-
 centia ostenduntur, crepant cymbala, & tym-
 pana, audiunturque tibiæ majus humanis;
 Nec poetis incognita fuit hujusmodi
 sedes. Lucretius enim lib. 4. de ea sic
 cecinit:*

*Hæc loca capripedes Satyros, Nymphasque
 tenere,*

*Finitimi fingunt, & Faunos esse loquuntur:
 Quorum noctivago strepitu, ludoque jocanti
 Affirmant vulgò taciturna silentia rumpi,
 Chordarumque sonos fieri, dulcesq; querelas,
 Tibiæ*

Tibia quas fundit digitis pulsata canentum. &c.

Arbitror autem, Phoenices ista omnia confinxisse ad infamiam regioni creandam, & ipsius adeundæ desiderium in animis extirpandum. Sed levis haudquaquam momenti est frequens illa mentio de fistulis, & tibiis, quas quidem Phoenices adinvevisse doctorem nullus ignorat. Gingræ apud eos dicebantur; ut testatur Julius Pollux lib. 4. cap. 10, ubi ait: *Est quædam tibia Gingras, lugubrem, & flebilem vocem fundens, Phænissa quidem juxta inventionem.* Quam autem vetus sit ejusmodi instrumentum, ex eo colligi possit, quod Athenæus de illo mentionem faciens lib. 4. citat Xenophontem, Antiphanem, Menandrum, Amphim Axionicum, & Democlidem. Videris etiam Festum, & Ios. Scaligerum in ipsum, Iul. Scaligerum lib. 1. de Re Poet. cap. 20. Dalechampium in Athenæum, Manutium, Lil. Gyraldum syntagm. 13, imò Aristotelem, Hesychium, Arnobium &c. His ista relinquo,

26 DE ORIGINE GENTIUM

quibus abundantius otium suppetit. Rei enim pede pressio infistere meum est. Quo pacto ab his temporibus ad nostra usque interceptum fuerit commercium, imò & regionum illarum cognitio abolita; docemur ex Aristotele, seu alio lib. περὶ θαυμασίων ἀκυσμάτων, ubi sic differit: ἐν τῇ θαλάσῃ τῇ ἑξῶ Ἡρακλείων σηλῶν, φασὶν ὑπὸ Καρχηδόνων νῆσον διρηθῆναι ἐρήμῳ, ἔχουσαν ὕλην τε παντοδαπὴν, καὶ ποταμὸς πλωτὸς, καὶ τοῖς λοιποῖς καρποῖς θαυμασίῳ, ἀπέχουσαν ὅμως πλείονων ἡμερῶν. ἐν ἣ ὀπλισσομένων τῶν Καρχηδονίων πλεονάκεις, διὰ τὴν δίδαιμονίαν. ἐνίων γε μὴν καὶ οἰκούντων, τοὺς πρὸς αὐτὰς τῶν Καρχηδονίων ἀπείπαδα θανάτω ζημιᾶν, τοῖς εἰς αὐτὴν πλοῦσι, καὶ τοῖς ἐνοικοῦσι πάντας ἀφαιρῶσι, ἵνα μὴ διαγγέλωσι μηδὲ πλεῖστον σφραφὸν ἐπ' αὐτῶν ὅτι τὴν νῆσον κερίας τύχη, καὶ τῶν Καρχηδονίων δίδαιμονίαν ἀφείλη. *Extra columnas Herculis, ajunt, in mari à Carthaginensibus Insulam fertilem desertamque fuisse inventam; ut quæ tam sylvarum copiâ, quàm fluminibus navigationi idoneis, abundet, cum reliquis fructibus floreat vehementer, distans*
à conti-

à continente plurium dierum navigatione ; in qua cum Carthaginenses quidam ob soli fertilitatem connubia agitare , ac habitare cœpissent , ferunt Suffetes , ne quis deinceps in Insulam ingrederetur , pœnâ capitis interdixisse , incolasque ejecisse , ne coitione , si habitare istic pergerent , factâ , insulæ principatum consequerentur , Carthaginensesque eâ felicitatis parte privarent . Aristoteli concordatum est ab Hesiodo ἐν ἔργ. Ἐ ἡμ. extremo , Platone in Timæo , & in Critia , Cicerone , Plutarcho in Solone , Aulo Gellio lib. 12. cap. 13. Nonio Marcello c. de num. & casib. & aliis .

Evenit hinc etiam , quòd tam rara sit mentio apud veteres de his regionibus . Nihilominus Theopompus , & ex eo Ælianus Lib. 3. Var. Histor. cap. 18. *Continentem unam extra hunc mundum existere , & magnitudinem ejus infinitam , & immensam esse , narrabant . Plutarchus autem lib. de facie in orbe Lunæ , scripsit , ultra Insulas Atlanticas reperiri μεγάλην ἡπειρον , magnam continentem . Hieronymus Tom. 6. in caput 2. Epist.*
ad

ad Ephes. *Vtrumnam*, inquit, & aliud sæculum sit, quod non pertinent ad mundum istum, sed ad mundos alios, de quibus Clemens in Epistola sua scribit: Oceanus, & mundi trans ipsum sint; an mundus iste unus sit? &c. Omitto Homerum *Odyss.* Δ, & Horatium *Epod.* Oda 16. quin imo & Senecam in *Medea* vers. 374: quem quasi prophetam reverentur Hispani. Unde conjicere liceat, veteres non omnimode regiones illas ignorasse.

Urgeo cætera. Quod narrant plerique de gentibus Americanis, quos dæmonia divexant, luduntque, jam pridem de his sub nomine Atlanticorum dictum est ab Herodoto, teste Tertulliano de anima cap. 49: *Sed quod Lybica gens Atlantes cæco somno noctem transigere, animæ utique natura taxatur. Porro aut Herodoto fama mentita est, nonnunquam in Barbaros calumniosa; aut magna vis ejusmodi dæmonum in illo climate dominatur, &c.* Liquet hinc, quomodo contagione simili laborent Americani hodie, ac olim. Sed

Sed & magia, ac incantationum usus, his temporibus viget apud eos, ut antiquitus apud Phoenices: de quibus Dio Cassius lib. 60, & Virgilius, apud quem Dido sic sorori loquitur:

Oceani finem juxta, solemq; cadentem &c.
Silius autem Italicus lib. 1:

*Annibal agminibus passim furit, & quatit
ensem,*

*Cantato nuper senior quem fecerat igni
Littore ab Hesperidum Rhemissus, qui car-
mine pollens*

Fidebat magnâ ferrum crude scire linguâ.

Solum vertere, casas habitare patentes, & versatiles, Americanorum est hodie; & Phoenicum olim mos fuit. Festus: *Mapalia casæ Pœnicæ appellantur; in quibus quia nil est secreti, solet id vocabulum solutè viventibus objici.* Alios prætermitto in re clarissima.

Americani navigantes Idolis suis accinguntur, atque ipsa collocant in lintribus: factitatum verò id Phoenicibus tradunt præ cæteris Herodotus his verbis. *Statua Vulcani simillima est Phœni-*
cis

ciiς Πατακείσι, quos in *triremium* proris
Phænices circumferunt, &c. Hefychius
 verò: Παταῖνοι θεοὶ Φοίνικες, ἐς ἵνασι καὶ τὰς
 πρύμνας τῶν νεῶν. *Patæci Dei Phœnices sunt,*
quos hi constituunt in puppibus navium.

Americani solem adorant; quem cul-
 tum, à majoribus sive Phœnicibus ac-
 cepisse, verisimile est: de quo vir sum-
 mus Gerardus Iohannes Vossius testis
 longè me melior habebitur de Origine
 & progressu Idolol. lib.2. cap. 4. Ipsum
 si lector adeat, legatque, ad pallorem
 usque nusquam non exquisitissima pre-
 discet.

Phœnices autem hostias humanas;
 (quemadmodū postea Americani) immo-
 lasse constat, ex Porphyrio de abstinent.
 Animal. lib.2. Φοίνικες ἐν μεγάλαις συμφο-
 ραῖς, ἢ πόλεμων, ἢ αὐχμῶν, ἢ λοιμῶν, ἐθύοντο τῷ
 Φιλτάτῳ ἵνα ὀπίσθῃ φισοντες Κρόνον. *Phænices*
magnis in cladibus, vel bellorum, vel æstus,
vel pestilentie, sacrificabant charissimorum
quempiam Saturno, communibus ad hoc
suffragiis addictum. Subjungit autem ple-
 nam ejus rei esse exemplis Phœnicum
 histo-

historiam, à Sanchuniathone conscriptam; è lingua verò Phoenicia Græcè redditam à Philone Bibliensi. Similiter Eusebius oratione in laudem Constantini-Cæsaris, κρόνω γὰρ Φοίνικες, καθ' ἑκάστου ἔτος ἕξουσιν τὰ ἀγαπητὰ ἔκ μονογενῆ τῶ τέκνων. *Phænices Saturno quotannis sacrificabant dilectissimos, & filios unicos.* Hæc de verbo ad verbum notata clarissimo Gerardo Iohanni Vossio: qui ibidem per Saturnum Solem intelligi, pluribus comprobavit.

Considerem certè, me longam ducturum seriem verborum Phoeniciorum, & Mexicanorum, si eorum idioma ab antiquis temporibus hætenus constaret integrum. Interea omnimodo non desit mihi & hinc argumentum; quando studium & labor fuit authoribus diversis, verba illa expiscari, quæ & Phoenicia, seu Punica, & Mexicana, pariter fuerint.

Festus Avienus, sermonem habens de Abyla monte Africæ. *Namque Abila* (inquit) *vocant Gens Punicorum, mons quod altus*

altus Barbaro est. Longo quidem, sed proximi intervallo Mexicani ajunt *Anthla*, Hochelagenfes *Agacha*, Maraschæwachæi *Athbyla*, ut refert Alexius Laudenfis Minorita in relatione Miffionis fuæ posterioris ad Indias occidentales; quod, quia Idiotifmum quoquomodo novit, & dictionariolum ejus confecit, utar libentiffime.

Afur Phœnicibus crater, inquit Etymologus Maraschæwachæis *Afur* quid concavum Alexius.

Est apud Sagadahocas herba rutæ fimilis, quæ vocatur *Besafa*: cujus radicem ipfe vidi, olfeci, gustavi. Apuleio autem multisque perhibitum est, rutam hortensem à Tyriis *Besafa* dictam, eamque Laguna fcripfit Arabicè nominari *Sadeb*.

Sanguinem plurimis vocibus significant Mexicani, quas inter est *Holedonch*, ut notat Alexius. Verum Phœnicibus *sanguis* dicebatur *Edom*, vel ipfo teste Auguftino fub fine Pfal. 136.

Jaos accolæ acervare, accumulare, dicunt

dicunt *Gadonguene*: *gadon* autem Phœnicibus acervus erat. unde etymologus ait, ut *Claudius Iulius in Phœnices in historiis asserit*, *Archelaus*, *Phœnices filius*, urbem condens, (scilicet Gadeiram) ex Phœnicum lingua & nomen imposuit. *Gadon* quippe ab ipsis Phœnicibus ex minutis coagmentatum dicitur. Syriacè quidem ג'ד'י' ghediffa, est cumulus messium in area.

Anech Punicè significare *Matrem*, plurimi scripsere; quàm Hurones dicunt *Anan*, Mexicani *Nanthli*, Souniquesii *Nekich*.

Iaos incolæ *bellotii* virginem, aut puellam, dicunt. Etymologus verò *Phœnices*, inquit, *virginem bellotiam* vocant.

Syri, Phœnices, Pœni, aquas vocaverunt *heni*, & *jam*; teste Hieronymo in Genes. & aliis commentationibus super illo Genes. *Ipse est Ana*, qui invenit aquas calidas מ'מ' *Iamim* in solitudine. Verùm Hochelageneses aquam dicunt *Ame*, & *Iame*.

Ista sufficiant: neque enim multò
C plura

34 DE ORIGINE GENTIUM

plura Phœnicia vocabula inpræsentiarum occurrunt. Sed, quod ingenuè fatear, non irrefragabile argumentum est in verbis hisce synonymis, cum Horatius ferme nihil verius scripserit, quàm quòd

—— *Verborum vetus interit ætas.*

Itaque cùm in illis haud grave adeo momentum videam; ad alia, utique solidiora, me convertam.

Noë non per imprecationem mali, sed prophetica prædictionem eorum, quæ eventura erant, posteritati suæ (ut notavit Theodoretus) maledixit Chanaan, filio Cham secundo-geniti sui dicens: ארור כנען עבד עברים יהיה לאחיו

Maledictus Chanaan sit servus servorum fratrum suorum. Eruditis autem propono, num hoc completum dici queat, cùm Americam Phœnicum, filiorum Chanaan, posterì, in nova hac regionum suarum adjnventione servi facti sunt Hispanorum, olim utique servorum Phœnicum, qui Americanorum

rum fratres fuere. Demonstratum hoc
erit, ubi tria probaverimus. Phoenices
esse Chanaan posteros. 2. Phoenices
Hispanias subegisse. 3. Americanos,
quos Phoenicum liberos esse jam
ostendimus, ab Hispanis in servitutem
missos gemere.

Præmitto, omnes ad unum usque
commentatores agnoscere, non ad per-
sonam Chanaan, sed filiorum ejus, verbi
llius complementum destinari: quod
et testantur sacræ paginæ: ac nisi otium
hunc deforet, luculentissimis demon-
strationibus comprobarem.

Phoenices autem ex stirpe Chanaan
esse, arguitur contra doctos non paucos;
nam ex primogenito Chanaan Sidone,
Genes. 10. 15. *Chanaan genuit Sidonem
primogenitum suum.* In quem locum
Hieronymus: *De Chanaan primus natus
est Sidon, à quo urbs in Phœnice Sidon vo-
catur.* Verum ex hac urbe gentem
Phoenicum emerfisse, fatis multis
robavit Nic. Serrarius in cap. 2. Iosue,
væsti. 6.

36 DE ORIGINE GENTIUM

Insuper Phœnices passim vocantur Tyrii apud auctores. Tyrum autem Sidonis filiam increpat Esaias. 23. 12. Vide Hieronymum ibi. Unde Iosue 2. 19. Sidon magna dicitur: quippe quæ tot populos, tot colonias, tot florentissimas urbes peperisset. Consulendus Strabo lib. 16, & Nonnus Panopolita lib. 40. Dionysiacôn à vers. 305. Arrianus lib. 2. *Si Tyrum ceperimus, universa Phœnicia in potestate nostra erit, &c.* Pererius in Gen. 10: 15. *Universa Phœnicum ora Sidoniorum nomine celebris erat.* Quid plura in re apertissima? viderint omnes Strabonem, & Plinium crebro, Homerum Odyss. 14, & 15, Athenæum lib. 3. cap. 7, Ammianum lib. 14, Polybium lib. 5, Melam lib. 1. cap. 12, Herodotum lib. 1. 2. 7, Dionysium Alexandrinum, Avienum, & alios. Sed & Phœnices antiquiori nomine Sidonii dicti sunt. In veteri testamento sic semper appellantur. *Φοίνικες* enim Græcum vocabulum nondum innotuerat. Fuisse autem Sidonios inter Chananæos, Scriptura habet. Genes.

Genes. 10. 19: *Et fuit terminus Chananeorum à Sidone, donec venias in Geraram usque Gazam, donec ingrediaris Sidoniam.* Ibi loci videantur Josephus, & Hieronymus. Nomen autem Chananæorum appellativum erat, & promiscuum gentibus à Chanaano profectis; ut docet Arias Montanus lib. Chanaan cap. 9. Sidoni autem, Chanaani primogenito, & incolis Sidoniæ civitatis, ab eo vel ejus posteris exstructæ, & nomen nactæ, rectissime præ cæteris nomen Chananæorum competit. Ma. 7:28. פֻּנִיקִי דְסוּרִיָּא *Phuniki de Suria. Erat enim mulier Syrophœnissa.* Matthæus. 15: 22. Vocatur Chananæa & in Actis Apostolorum 2: 19. 15. in 21. 11. Phœnicia Syriacè dicitur פֻּנִיקִי Phuniki. Proditum est quidem ab Augustino, jactasse se Pœnos origine Chananæos; quod & Stephanus significare quoquomodo visus est, his verbis: *χρὰ ἧτως ἡ Φοινίκη ἐκαλεῖτο.* *Chna ad hunc modum Phœnice vocabatur.* A Græcis autem Sidonii Φοινῖκες dicti sunt: atque Aristoteles, aut certe au-

tor libri illius de Mirabilibus auditio-
nibus, qui habetur apud eum, id nomen
emanâsse dicit, quod hi primi maria
navigantes, quocumque appellerent,
omnes interimerent; unde & Perrebæo-
rum linguâ *Φοινίξαι* trucidare significat.
Arias Montanus in lib. Chanaan cap. 8.
de Sidone, Tyro, aliisque Phœniciis
civitatibus mentionem faciens, *Regio*
inquit, *omnis ab elegantia Græcis*
Φοινίκη, *Latinis Punica & Phœnicia*
dicta est: hoc enim incolarum lingua
Phœnac פנ significat. Super istâ
denominatione legi possunt, Sanchoni-
atho, & Philo Byblius apud Eusebium
lib. 1. Præparat. Euangel. cap. 7. (ubi
etiam de veteribus appellationibus *ραβ-
βώθη & κολπίτης* Rhabothe & Colpites
Phœniciæ à Græcis attributis differi-
tur) Stephanus crebro, ac Silius Itali-
cus lib. 1, &.

Quod autem Phœnicibus Hispania
subdita longo tempore fuerit, fatentur
omnes, quotquot de rebus Hispanicis
scripserunt: Strabo lib. 3, Mela lib. 3.
cap.

cap. 6. Ferunt primo Gades à Phœnicibus occupatas, paulo post destructam Troiam : tum autem & Carthago extrui, & à colonis Tyriis habitari cœpit. Appianus Alexandrinus factum hoc tradit annis quinquaginta ante Trojanum excidium : Eusebius Cæsariensis annis centum, & quadraginta tribus post : aliqui, ducentis nonaginta sex. Virgilius, Ovidius, Silius Italicus, & qui ipsos secuti sunt, circa obsidionem ipsam Trojæ id scribunt factitatum. Josephus verò lib. 1. contra Apionem ex Tyriis Annalibus Tyriorum regum suceffionem ab Hiramio Pygmalionem usque deducit, & quantum tempus unusquisque regnaverit, assignat : infertque, Carthaginem ab Elisa Didone fundatam centum & quinquaginta tribus annis à consummato templo Salomonis, qui annus centesimus trigessimus quartus est ante fundatam Roman. Josephum, ut pote omnium certissimum, sequitur Augustinus Torniellius in Annalibus Sacris anno

mundi 3166. Videndæ sunt reliquæ opinioniones apud Dionysium Halicarnassæum lib. 1. Trogum Pompeium, sive Iustinum lib. 18, Velleium Paterculum, Plinium lib. 14, cap. 4. Florum, Solinum, Cassiodorum, Abbreviatorem Livii, Appianum, Servium, &c. Ex Carthagine autem Phœnices in Hispaniam sese extendisse, & incolas subegisse, indicat Strabo lib. 16, his verbis: *Phœnices porrò harum ego rerum fuisse indices, dico; qui ante Homeri ætatem optima Africa, & Hispania tenuerunt, & domini eorum fuere locorum, donec eorum à Romanis est abolitum imperium.*

Porro de Hispania à Phœnicibus subacta testes legi possunt Trogus Pompeius lib. 44, sive Iustin. Florus lib. 16. Polybius lib. 2. cap. 2. Halicarnassæus. lib. 1. Gellius, lib. 17. cap. 22. Appianus in Iberic. ex Neotericis Cuspinianus in Cassiodorum, Nebrissenfis in exhortat. ad lect. ex scriptoribus autem Hispanis, Valæus part 1. anno 452. Mariana lib. 1 cap. 15, & lib. 2. cap. 1.

Restat

DE ORICINE GENTIUM 41

Restat pars tertia , quam probare, supervacuum duxi. Nullus enim ignorat , quantam sub servitute ab Hispanis missæ sint gentes Americanæ.


Hæc habui , quæ de quæstione, difficultatibus , & tenebris implexa, differerem ex conjecturis, & verisimili arguto argumento. Meliora docenti , nedum succenseam, magnam habebo gratiam.


F I N I S.





+


[Faint, illegible text, likely bleed-through from the reverse side of the page]

















F644
C741d

